



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-545-5/25**

Datum: **03.02.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica OQEMA BH d.o.o. Visoko, za donošenje rješenja o vodnoj dozvoli za promet opasnih materija koje nakon upotrebe dopijevaju u vode i za ispuštanje tehnoloških otpadnih voda sa lokacije kompleksa za skladištenje i promet hemikalijama, izgrađenog u naselju Ozrakovići u općini Visoko, na osnovu člana 109. stav (1) tačka 2. i 13. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu OQEMA BH d.o.o. Visoko, daje se vodna dozvola za promet opasnih materija koje nakon upotrebe dopijevaju u vode i za ispuštanje tehnoloških otpadnih voda sa lokacije kompleksa za skladištenje i promet hemikalijama, izgrađenog u naselju Ozrakovići, na zemljištu označenom kao k.č. broj 152/2 i 153/1 K.O. Ozrakovići, općina Visoko.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se zaštitna tankvana oko rezervoara (kao i sami rezervoari) hemikalija, opasnih i štetnih materija kontrolišu na vodonepropusnost, te poduzimaju sve odgovarajuće mjere u skladu sa važećim propisima za održavanje sigurnosti od akcidentnih zagađenja uslijed eventualnog curenja rezervoara i tankvane, te da se redovno vodi knjiga evidencije o kontroli.
 - 3.3. Da se tehnološke otpadne vode koje nastaju od pranja opreme, ambalaže i prostorija za pretakanje hemikalija prikupljaju zasebnim sistemom kanalizacije i odvođe do rezervoara za neutralizaciju sa prelivom prečišćene (neutralizirane) vode u kanalizacioni sistem kompleksa.
 - 3.4. Korisnik je dužan osigurati priručna sredstva za brzu intervenciju u slučaju nekontrolisanog istjecanja hemikalija, kako bi spriječio moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.5. Da se onečišćene vode sa saobraćajnih, radnih i manipulativnih površina nesmetano sakupljaju i odvođe do separatora ulja i masti sa prelivom prečišćene otpadne vode u lokalnu kanalizaciju sa krajnim ispustom u rijeku Bosnu.
 - 3.6. Objekte čija je svrha odvođenje i prečišćavanje onečišćenih voda (rezervoar za neutralizaciju, separator ulja i masti, slivnici i rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, neutralizatora i separatora ulja i masti povjeriti pravnom licu ovlaštenim za tu vrstu djelatnosti prema sklopljenom ugovoru.

- 3.7. Korisnik je obavezan redovno voditi evidenciju o pražnjenju i odvozu sadržaja neutralizatora i separatora ulja i masti, izdvojenim naftnim derivatima i talogu iz neutralizatora i separatora.
 - 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
 - 3.9. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije, Prilog 1. tabela 1.1. kolona 3 tabele.
 - 3.10. Korisnik je dužan da redovno vrši skupljanje čvrstog opasnog i neopasnog otpada sa kompletnog kruga kompleksa tvornice, te isti propisno skladišti do njegovog konačnog zbrinjavanja od strane ovlaštene organizacije.
 - 3.11. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, korisnik predmetnog objekta je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu i objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. U slučaju vanrednih situacija, havarisanog onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama, daje se s rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
 12. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Dana 31.12.2025. godine pravno lice OQEMA BH d.o.o. Visoko, podnijelo je ovoj Agenciji zahtjev za izdavanje vodne dozvole za promet opasnih materija koje nakon upotrebe dopijevaju u vode i za ispuštanje tehnoloških otpadnih voda sa lokacije kompleksa za skladištenje i promet hemikalijama, izgrađenog u naselju Ozrakovići u općini Visoko.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra broj: 043-0-RegZ-25-002928, Zenica 17.09.2025. godine, Općinski sud u Zenici – ovjerena kopija,
- Uvjerjenje o upisu u Jedinstveni registar obveznika indirektnih poreza, broj: 04/1-17-1-UPJR/1-2046-2/22, Banja Luka 30.03.2022. godine, Uprava za indirektno-neizravno oporezivanje – ovjerena kopija,
- Rješenje o izmjeni podataka broj: 041-0-Dn-22-001397, Visoko 08.04.2022. godine, Odjeljenje za zemljišnoknjižne poslove, Općinski sud u Visokom – ovjerena kopija,
- Obavještenje o razvrstavanju pravnog lica prema klasifikaciji djelatnosti broj: 07-32.5-3668/22 od 01.04.2022. godine, Služba za statistiku za područje Zeničko-Dobojskog kantona – ovjerena kopija,
- Dokaz o uplaćenju upravnoj i administrativnoj taksi,
- Rješenje o izdavanju odobrenja za građenje broj: 12-23-00711/14 od 03.02.2014. godine, Ministarstvo za prostorno uređenje, promet i komunikacije i zaštitu okoline, Zeničko-Dobojski kanton – ovjerena kopija,
- Rješenje o vodnoj saglasnosti broj: UP-I/25-2-40-671-2/13 od 08.10.2013. godine, Agencija za vodno područje rijeke Save – kopija,
- Ugovor o čišćenju i održavanju objekata za prikupljanje i tretman onečišćenih voda od 05.06.2024. godine – kopija,
- Radni nalog o čišćenju neutralizatora, separatora i taložnika, te zbrinjavanju mulja, broj 17/09/25 od 22.09.2025. godine – kopija,
- Rješenje, okolinska dozvola broj: 12-23-10610-1/18 od 18.12.2018. godine, Ministarstvo za prostorno uređenje, promet i komunikacije i zaštitu okoline, Zeničko-Dobojski kanton – ovjerena kopija,
- Rješenje o izmjeni okolinske dozvole broj: 12-23-10610-2/18 od 13.09.2022. godine, Ministarstvo za prostorno uređenje, promet i komunikacije i zaštitu okoline, Zeničko-Dobojski kanton – ovjerena kopija,
- Mišljenje Ministarstva za prostorno uređenje, promet i komunikacije i zaštitu okoline, Zeničko-Dobojski kanton, broj: 12-19-07261/23 od 22.09.2023. godine – ovjerena kopija,
- Rješenje o vodnoj dozvoli broj: UP-I/25-3-40-565-3/20 od 19.01.2021. godine, Agencija za vodno područje rijeke Save – kopija,
- Rješenje o vodnoj dozvoli broj: UP-I/25-3-40-565-5/20 od 11.04.2022. godine, Agencija za vodno područje rijeke Save – kopija,
- Izvještaj o rezultatima ispitivanja kvantitativnih karakteristika efluenta sa programom praćenja stanja voda (monitoring), broj: 01-2-50-IX/25 od 12.09.2025. godine, ZAGREBINSPEKT d.o.o. Mostar.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22 izvršen je obilazak lokacije kompleksa za skladištenje i promet hemikalijama i tom prilikom sačinjen zapisnik o uviđaju broj: UP-I/21-3-40-545-2/25 od 16.01.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kompleks za skladištenje i promet hemikalijama je izgrađen u naselju Ozrakovići, na zemljištu označenom kao k.č. broj 152/2 i 153/1 K.O. Ozrakovići, općina Visoko. Sastoji se od od upravne zgrade, skladišnog prostora, tankvane sa rezervoarima za skladištenje kiselina i baza, rezervoara za neutralizaciju, separatora ulja i masti, kotlovnice na pelet, interne benzinske pumpe te uređenih manipulativnih površina. U kompleksu se vrši skladištenje, pretakanje, razređivanje i otapanje

hemikalija u čvrstom, tečnom i praškastom stanju. Kapacitet proizvodnje hemikalija je 500 tona razređenih kiselina i 500 tona natrijum hidroksida na godišnjem nivou.

Solna kiselina, sumporna kiselina i natrijum hidroksid se skladište u 8 rezervoara (8x40 m³). Rezervoari su smješteni u vodonepropusnu betonsku tankvanu. Zapremina tankvane je takva da može prihvatiti sadržaj svih rezervoara.

Ostale hemikalije se skladište u originalnoj ambalaži u zatvorenim skladišnim prostorima.

Sve tehnološke otpadne vode koje nastaju od pranja opreme, ambalaže i podova kao i eventualno prosute hemikalije, prikupljaju se zasebnim sistemom kanalizacije odvođe u rezervoar za neutralizaciju zapremine 10 m³. Prije ispusta otpadne vode iz neutralizatora u kanalizaciju kompleksa kontrolirše pH vrijednost.

Zauljene vode sa manipulativnih površina se zasebnim sistemom kanalizacije vode na separator ulja i masti. Preliv iz monitoring okna, u kojem se skupljaju i vode iz neutralizatora, izveden je u mjesnu kanalizaciju sa krajnim ispustom u rijeku Bosnu.

Sanitarno fekalne vode se prepumpavaju u lokalnu kanalizaciju a priključak vode je riješen priključenjem na gradski vodovod.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog kompleksa i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekata u skladu sa odredbama Zakona o vodama, Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za promet opasnih materija kao i proizvoda od tih materija koji nakon upotrebe dospijevaju u vode i za ispuštanje otpadnih voda sa lokaliteta kompleksa za skladištenje i promet hemikalija, izgrađenog u naselju Ozrakovići, općina Visoko, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi («Službene novine Federacije BiH», broj: 06/98, 8/00, 45/10, 43/13 i 98/17).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka:

Adnan Bašić, dipl.inž.grad.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.grad.

Dostaviti:

- OQEMA BH d.o.o., ul. Čajengradaska bb, 71300 Visoko
- ⊖ AVP Sava, ISV – Vodna knjiga
- Sektor 50
- Sektor 40, arhiva
- oglasna ploča AVP – Sava